

第一〇四冊

方輿彙編

職方典

漢中府部

興安州部

延安府部

(卷)

五十四

五十七

五十一

古今圖書集成

中華書局影印

欽定古今圖書集成方輿彙編職方典

第五百三十四卷目錄

漢中府部藝文一

石門銘

秋典亭記

諸葛武侯廟碑

郵驛記

江運記

棧道銘

質營谷偃竹圖記

龍門洞記

金華寺龍骨塔銘

褒城山河堰記

乾明寺記

忠護侯廟記

枕流亭記

修城記

遊靈巖記

棧道圖考

李公石堰碑

重建楊填堰碑

鋪堡論

西鄉茶論

輿地志論

北魏王遠

唐賈至

沈迥

孫樵

柳宗元

歐陽詹

宋蘇軾

蘇在廷

游國佐

楊絳

僧脩信

元朱紱

明周東

前人

張良知

王圻

李時華

張金程

關廷訪

何景明

劉芳名

職方典第五百三十四卷

漢中府部藝文一

石門銘

北魏王遠

此門蓋漢永平中所穿經數百載世代綿迴寇盜遞作乍開乍閉通塞不恆自晉氏南遷斯路廢矣其崖岸崩淪澗閣湮圯南北各數十里車馬不通者久之攀蘿捫葛然後可至皇魏正始元年漢中獻地褒斜始開至於門北一里西上擊山爲道峭崿盤迂九折無以加徑途室礙行者苦之梁秦初附賈仗才賢朝難其人褒簡良牧三年詔假節龍驤將軍梁秦二州刺史秦山羊公建旗幟撫境緩退蓋有叔子之風焉以天險難升轉輸難阻表求自迴萬以東開創道路釋負擔之勞就方軌之逸詔遣左核令賈三德領徒一萬人將師百人共成其事三德巧思機發情解意會雖元凱之梁河德衡之損躡未足以偶其奇起正始四年十一月十日訖永平二年正月畢工開廣四丈路廣六丈皆填豁棧壑碎險梁危自迴萬至谷口三百餘里連輶駟轡而進往往哲所不工前賢所輟思莫不疏而通焉王生履之可無臨深之嘆葛氏若存幸息木牛之勞於是蓄產爐鐵之利執綿屬氈之饒充初川內四民富貴百姓息肩壯矣自非思埒班爾等張蔡忠公忘私何能成其事哉乃作銘曰龍門斯鑿大禹所彰茲嚴乃穴肇自漢皇道由國中以宣四方其功伊何既逸且康去深去阻匪開匪良西帶汧隴東控樊襄河山雖險漢德是強昔爲畿甸今則關疆永懷古烈蹟在人亡不逢殊積何用再光水眺收晶林望幽長夕凝晚露晝涵曙霜秋風夏起寒

鳥春傷穹窿高閣有車轡成薪古道驅杜其駟千載絕軌百兩更新敢刊靈曲以紀鴻盛

秋典亭記

唐賈至

前戶後屬順園關之易輟也主樓下宇無形豕之飾儉也簡近智儉近仁仁智相結之有當發生之辰則橫秀態于塔砌見雲霓安處臺榭之日則納清風于洞戶見暑之祖雲結樹之則俯瀝氣於軒檻見火之流矣值凝雲之節則樓洞雲於扁閣見雪之紛矣政成訟清體安心逸而詩興常在秋典最高因以名亭

諸葛武侯廟碑

沈迥

皇帝御極貞元三祀時乘盛秋府主左僕射馮翊嚴氏總帥文武將佐泊蒙輪突歸之旅強理西鄙營軍沔陽先聲馳於種落伐謀息其狂狡於時威武振疊敵騎收跡塞垣蕭條烽燧滅焰土無保障之役馬無服轅之勞重關弛棧邊轍棲野我師惟揚則有餘力乃昇高訪古周覽原隰敬修茲廟式薦馨香光靈若存年祀浸遠雖簫鼓欣奏邑里祈禱而風雨應飢祠堂落構土堦莫數尺之崇廷除無表丈之陳登舉不能成禮牲玉不得備陳頽墮露肩濯水翳景樵蘇滿徑康鹿走集馮翊曰丞相以命世令德功存李漢遺風餘烈顯赫南方丘壘南山實在茲地荒祠偏敝貌詭裂非所以式先賢崇祀典也乃發泉府徵役徒撤編管芟蕪叢薄是營是葺衆工群至綴以高墉隔閭芻牧增以峻宇昭示威神靈英昔賢像設如在翼翼新廟日至而畢顧謂小子揚推前烈銘於廟門曰在昔君臣合德典造功業有若伊尹相湯呂望與周

夷吾霸齊樂毅昌燕是數君子皆風雲相感垂裕來世嘗以為阿衡則尊立聖主天下樂推尚父則上讎獨夫諸侯同舉管氏藉強齊之力以宗周周無令主樂生因建國之資默贊昭為奧主君臣同道僅能成功惟武侯遭時昏亂羣雄競起高光之澤已竭桓靈之虐在人遇先主之短促值曹魏之雄富能以區區一州介在山谷驅羸卒輔屏主衝擊中原撐拒強敵論時則辛癸惡稔語地則燕齊勢勝遷夏商者未可校功霸桓昭者不足俾力向使天假之年理兵渭汭其將席卷西邑底綏東周祀漢配天不失舊物矣洪伐彰彰宜冠古今卓軼前烈其誰曰不然武侯名蹟存乎國志今之羣書姑務統於大略叙我新意至於備載爵位退述史傳非作者至德也今則不書其銘曰桓靈濟虐雲海橫流群雄崛起毒蓋九州天既厭漢人思代劉沸渭交爭存亡之秋其誰存之時惟武侯伊昔武侯跪足南陽退藏於密不曜其光有時有君將排垢氛魚脫溪泉龍躍風雲先主續緒天下三分馥馥德馨悠悠清塵前哲後賢心跡暗逾建茲新廟式是梁垠

郵驛記

孫樵

褒城驛天下第一及得寓目視其治則淺混而茅視其舟則離敗而膠庭除其蕪堂廡甚淺焉觀其所謂宏麗者訊於驛吏則曰忠穆公嘗牧梁州以褒城控二節度治所能節虎旗馳驛奔輅以去以來轂交蹄制由是崇侈其驛以示雄大蓋當時視他驛為壯且一歲賓至者不下數百輩苟夕得其庇饒得其飽皆暮至朝去者寧有顧惜心邪至如棹舟則必折篙破

船碎鷁而後止魚釣則必枯泉汨泥盡魚而後止至有飼馬於軒宿隼於堂凡所以汙敗室廡靡毀器用官小者其下雖氣猛可制官大者其下益暴橫難禁由是日益破碎不與饕餮其曹八九輩難以供饋之隙一二力治之其能補數百人殘暴乎語未既有老叱笑于前且曰舉今州縣皆驛吾聞開元中天下無金革之聲而戶口日益破疆場無侵削之虞而墾田日益寡民生日益困財力日虞竭其故何哉凡與天子共治天下者刺史縣令而已耳目接于民而政令速于行也今朝廷命官既已輕任刺史縣令而又促數于變易且刺史縣令者三歲再更故州縣之政苟有不利于民可以出意革去者其在刺史縣令則曰我即去何用如此當愁醉醺當饒飽鮮囊帛橐金笑與秩終嗚呼州縣者真驛耶矧更代之隙黠吏賁緣恣為姦欺以賣州縣者乎如此而欲生民不困財力不竭戶口不破墾田不寡難矣哉予既揖退老叱條其言書于褒城驛壁

江運記

柳宗元

御史大夫嚴公牧於梁五年嗣天子用周漢進律增秩之典以親諸侯謂公有功德理刑就加禮部尚書是年四月使中謁者來錫公命資僚吏屬將校卒士鰲老童孺填溢公門舞蹈歡呼願建碑記德垂億萬祀公固不許而相與怨咨退還如不飲食于是西鄙之人密以刊山導江之事願刻巖石曰維梁之西其蔽曰某山其守曰興州興州之西為寇居歲備亭障實以精卒以道之險阻兵困于食守用不固公患之曰吾嘗為興州凡其土人之故吾能知之自長舉北

至于青泥山又西抵于成州過栗亭川踰寶井堡崖谷峻隘十里百折負重而上若蹈利刃盛秋水潦窮冬雨雪深泥積水相輔為害顛路騰藉血流棧道輓糧芻蕘填谷委山牛馬群畜相藉物故運夫畢力守卒延頸嗷嗷之聲其可哀也若是者綿三百里而餘自長舉而西可以導江而下二日而至昔之人莫得知也吾受命于君而育斯人其可已乎乃出軍府之幣以備器用即山斲工由是轉巨石仆大木焚以灰火沃以食鹽摧其堅剛化為灰燼奮錘之下甚易朽壤乃闢乃墾乃宜乃理隨山之曲直以休人力順地之高下以殺湍悍厥功既成咸如其素于是決去壘土疏導江濤萬夫呼忭莫不如其志雷騰雲奔百里一瞬既會既遠澹為安流蒸徒謳歌枕臥而至戍人無虞專力待寇惟我公之功疇可俾也而無以酬德致其大願又不可得命矧公之始來屬當惡歲府庾甚虛器備甚殫饑饉昏札死徙充路賴公節用愛人克安而生老窮有養幼乳以遂不問不使咸得其志公命鼓鑄庫有利兵公命屯田師有餘糧選徒練旅有衆孔武平刑議獄有衆不墮增石為防膏我稻粱歲無凶災家有積倉傳館是飾旅忘其歸紅梁以成人不履危若是者皆以我陳帥士而為之不出四人之力而百役以就且我西鄙之職官故不能具舉惟公和坦直方廉毅信讓敦尚儒學損抑貴倖率忠與仁以厚其誠有可以安利于人者行之堅勇不俟終日其興功濟物宜如此其大也昔之為國者惟水事為重故有障大澤勤其官而受封國者矣西門遺利史起與嘆白圭壑鄰孟子不與公能平險休勞以惠

萬代其功烈尤章章焉不可蓋也是用假辭碣工勒石存之用永憲於後祀徒記云乎哉

棧道銘

歐陽詹

秦之坤蜀之艮連高夾深九州之險也陰谿窮谷萬仞直下奔崖峭壁千里無上互隔呀絕巉巖冥冥靡鹿無谿猿狖相望三代而往蹄足莫之能越秦雖有心蜀雖有情五萬年間莫不相接且秦之與蜀也人一其性物同所宜嗜欲無餘門教化無餘源可貿還可親呢壁圻地脈聯離物理豈造化之意乎天實凝清而成地實凝濁而形當其凝也如鎔金下鑄騰雲上浮空隙有所不聞迴翔有所不合澄結既定竅缺生乎其中西南有漏天之竅缺也於斯有茲地地之竅缺也天地也者將以上覆下肅含蓄萬靈可通必使而通者也苟有可通而未通則賢代其工而通之故有為舟以濟川為梯以踰山惟茲地有川不可以舟涉有山不可以梯及粵有智慮以全元造立巨衝而舉追氏繩懸繼以下梓人猿垂絕谷鳥傍危岑鑿積石以全力梁半空於未用斜根玉壘旁綴青泥截絕岸以虹矯繞翠屏而龍蹠堅勁膠固雲橫砥平總庸蜀之通塗繞岐雍之康莊都邑之能步山川之蕪徑若水決防如鴻嚮陽南之北之踵武湯湯躋我巽以自若臨蒼蒼而不懼繇是贊幣以達達人神以會同稽禮樂之短長汚隆可王者王可公者公而相吹以風或曰受琢之石長存可構之材無窮易剋代靈斯道也未始有終嗚呼為上懷來在乎德為下昭德在乎義德義之如今日則或人之言有乎其毀之則石雖存恐不為琢材雖多恐不為構想夫往昔有

時而有有時而無是用惕惕天下蚩蚩稀知聖賢創物之意之人寡明德義固物之道之人敢陳兩端之要銘諸斯道之左庶主德義者存今身之所履踵湯武者荷古人之攸作銘曰天覆地肅本以同設大眾難全或漏或缺損多益少聖賢代工彼雖有缺與無缺同維北曰秦維南則蜀地缺其間坤維不續斗起斷岸屹為兩區秦人路絕蜀火煙孤天寶不通賢斯有造鑽堅刻勁無溪以通若川匪舟若陸匪車綠危轉虛步驟交如構雖在功存亦由德項拂劉怒旋見以踏隋落我嘗自顧而植地非革勢財不易林培植以致惠怨之心勿謂斯道可久禮不以禮可有而無恭不以恭可無而有創之之意如彼固之之理有茲彼之不易茲而易知勒銘道左其同我思

贊簪谷偃竹圖記

宋蘇軾

竹之始生一寸之萌耳而節葉具焉自蜩腹蛇蚶以至千鈞拔十尋者生而有之也今畫者乃節節而為之葉葉而累之豈復有竹乎故畫竹必先得成竹於胸中執筆熟視乃見其所欲畫者急起從之振筆直遂以追其所見如兔起鶴落少縱則逝矣與可之教予如此予不能然也而心識其所以然而不能然者內外不一心手不相應不學之過也故凡有見於中而操之不熟者平居自視了然而臨事忽焉喪之豈獨竹乎由為墨竹賦以遺與可曰庖丁解牛者也而養生者取之輪扁斲輪者也而讀書者與之今夫子之托於斯竹也而予以為有道者則非也子由未嘗畫也故得其意而已若予者豈獨得其意并得其法與可畫竹初不自貴重四方之人持繖以請足

相驕於其門與可服之投諸地而罵曰吾將以為輿材士大夫傳之以為口實及與可自洋州還而予為徐州守與可以書遺予曰近語士大夫吾墨竹一派近在彭城可往求之輿材當萃於子矣書尾復寫一詩其略曰擬將一段鵝谿絹掃取寒梢萬尺長予謂與可竹長萬尺當用絹二百五十疋知公倦於筆視願得此絹而已與可無以答則曰吾言妄矣世豈有千丈竹也哉予因而實之答其詩曰世間亦有千尋竹月落空庭影許長與可笑曰蘇子辯則辯矣然二百五十疋吾將買田而歸老焉因以所畫簪簪偃竹遺予曰此竹數尺耳而實有萬尺之勢簪簪谷在洋州與可嘗令予作洋州十韻簪簪谷其一也予詩云漢川修竹賤如蓬斤斧何曾赦籜龍料得清貧饒太守渭濱子畝在胸中與可是日與其妻遊谷中燒笋晚食發函得詩失笑噴飯滿案元豐二年正月二十日與可沒於陳州是歲七月七日予在湖州曝書畫見此竹廢卷而哭失聲昔曹孟德祭喬公文有車過腹痛之語而予亦載與可嚼昔戲笑之言以見與可與予親厚無間如此也

龍門洞記

蘇在廷

自蜀至京行四千餘里幾半天下山水之可喜者莫如利三泉與自利至興行五百里幾半蜀道巖洞之可喜者莫如龍洞自三泉西行大道不能二里又自大道南行支徑不能百步山舒水湧無他異少焉突有若觀闕者當其前迫而視之則洞也其深七十三步廣半之其兩旁石壁之嵌空突怒者若耳目鼻口鱗甲眼附甚具其下皆石為底水文其上若鋪筍簞

石墮其間若設俎豆其兩巖皆瘦木翠蔓附石而生
蕤葢下覆若綴纓絡水蔓之間布水十道後先交映
若垂冕旒水落石底其勢跳瀉與石相鬬若灑霜雪
其聲鏘鳴與洞相應若響琴瑟寒峭邃幽殆非人境
予不能盡名其狀蓋造物者端為是瑰詭以聳世俗
露天地之奇秘也循洞南升石斷而山分棄奇為平
有田甚沃有竹箭檜柏松栝雜他卉木甚茂野人或
居焉若世所謂桃花源者少西而升不能百步泉湧
地中清冷清甘委蛇東下及洞之額而落向之為布
水者此也洞不知本所出相傳以為往有鰲龍騰去

壁巖掀麓而為此也故以云淳化中縣令錢侯洙始
開為游宴之所水自洞出北合嘉陵大江深不可涉
橋於洞北閣於洞下館於洞東又橋於洞南亭榭臺
圃於洞西以便遊者又南而升能三里路益險山水
益秀復得洞焉若重簷夏屋深不可窮有石牀甚古
水出洞中既洄且清然以道惡故絕無遊人歲大旱
取湫水輒應疑龍之所家以前洞為門閤而此其堂
奧也予蜀人去鄉里生長道路往來京蜀凡十數過
過未嘗不遊遊未嘗不飲酒賦詩而去洞中水石草
木皆若舊識雖使予自有而賞之不若是數也予同
年友李侯山父為令於此予弟蒙父又為尉於此書
來告曰願有記也予聞之山水之無知也以人為榮
辱故峴山雖卑以叔子而顯冉溪雖秀以子厚而愚
今茲洞之奇冠天下非得奇文無以稱之且文人之
過其下者相躡也而獨以屬予何哉嗟夫靈璧之石
天下奇翫也蓋僅有巖穴處耳徒以其近於中都故
取重富世甚至一拳之微價累千金而彌不可得其

亦巧於效技也今此洞豈特百倍於靈璧惟蒼然獨
秀於遠方不效技於王公貴人之前而獨為田夫漁
父之所簡賤高人逸士之所耽翫蓋其拙有類予者
而予又與洞舊識則雖辱之以予文可也予之拙滋
甚終若洞之不可變遷當歸老於故山過洞而畱益
飲酒賦詩將水石草木一一而辱之不知山靈尚許
之乎

金華寺龍骨塔銘

游國佐

金華老僧嚴公所居後洞獲龍牙角各雙并大骨數
若干類額顛虧者十餘枚其父夢巨人縞衣告曰此
山神龍所依樵牧輒穢龍且去矣今德人蒞吾境山
復清潔龍當還來此其蛇也瘞之吉祥嚴公異之乃
即洞旁大磐石上累甃為浮圖盡取其牙角骨等藏
焉是歲紹興甲子三月也銘曰邀神龍兮去何之蛇
龍骨兮見於斯巨人夢兮審前知休徵告兮豈吾欺
建浮圖兮潤之涓固磐石兮廢屢屢惡人蒞今境母
墮墜石龍兮歸何時

褒城山河堰記

楊絳

乾道元年四月宣撫使判興州吳公璘朝行在所上
寵嘉之再拜上公進爵真王仍以奉國節旄移鎮漢
中粵自用武而來戎馬充斥民事凌緩公至則曰國
基於民而民以食為天凡所以飽吾師強吾國者民
也民事固緩而恬不加恤是不知本之甚也其可乎
哉乃申飭僚吏具詔令之忠厚愛民與夫政事之偏
而不起者次第施行之給和糴之緡而人無白著停
踰時之賦而窮民以蘇兼併均敷悍黠費貸嚴而不
苛寬有以致制至若剗蠹除害惠澤流布家至戶到

咸知樂業明年春農務未畢公首訪境內溉浸之原
其大者無若漢相國曹公山河堰導褒水限以木石
順流而疏之自北而西者注於褒城之野行於東南
者悉歸南鄭之區其下支分派別各逐地勢用溉田
疇之渠百姓饗其利惟時二邑久矣忘作每歲鳩工
度材以鉅萬計將有事於溝洫役瘠者贏其材僥倖
者膏其工重以異時小夫賤糶染汚習熟賈丁鹽貨
並緣為姦以故無告蒙害澤不下究公慨然念之銳
意改作與提典刑獄兼常平使者祕閣張公商確利
病先事設備偕諸壘所擊鮮格神涓日起役番鋪如
雲萬指齊作乃檄通判軍府事史祁俾總督之僅兩
浹月斷手凡用工若材貳萬為省而增創護岸之隄
又數百丈祁會邑宰宣勞殫力往來其間申晝晝岸
以杜分爭檢校精輒以別勤惰如意指揮人自謹畏
不擾而辦先是因循積弊踰二十年而堰水不流惟
供豪右輪杵之用異時沃野皆化為斥鹵民實病之
公又躬即其處相方度宜易地芽果料簡卒徒官給
材用分授方略佚道使之刻期而就凡以工計者又
十萬有奇水利至是惟廣能周溉三萬餘畝復為上
服訖功而民不預抑又難焉惟我公威名峻烈為社
稷之衛而司全蜀之命者歷三紀矣逮茲保釐功崇
位極乃復推原本始篤意民事為朝廷固不拔之基
與黔首垂無窮之福始非識慮淺近者之所能為也
曹為異代創業之輔公實今日中興之佐先後相望
於千有餘歲其愛人利物之心乃所成就不約而同
可謂盛德事也名父慈母何足擬倫褒中之石幸可
磨鐫詞雖不腆絳職在是庸敢直書昭示來世

乾明寺記

僧修信

大宋太平興國三年詔賜興元府中梁山伽藍號乾明禪院山在禹貢梁州之中隸漢中郡距郡城一十四里高四里西望嶓冢北眺褒斜東瞰洋川南睨巴丘谿谷竊窺林徑盤紆而上有石馬池水春冬不涸時出雲雨見怪物馬今亡矣入夜或聞其嘶鳴其神曰靈壽將軍紹興二十年聖朝加封休應侯廟號澤潤山半舊有僧舍初不知何自興起偽蜀廣政間新羅國僧傳失其名從海東來居之遂成伽藍其後有慧眼法乘禪印法眼諸師並稱有道伽藍於是乎益大紹興三年兵火延燒棟宇經像無存遺像徒皆奔逃去時則有尊宿居行來首圖興造其次仲璋又其次勝曉永壽端永建今海珍先後經營之垂五十年伽藍皆復就凡爲屋若樓殿堂室祠廟亭宇以至寶寮廡舍無慮千楹開田疇水陸僅及百頃飯禪納歲不下十餘萬人嗟乎盛哉恢弘象教隆振法化如此六尊宿者可謂能事矣雖然今之成者昔之壞者也方其壞也非夫郡邑公卿大夫士清信檀越戮力調護之曰我有以云爲何由哉珍洋川人肄業於城固法隆院嘗遊東吳從天台禪師授心印臨濟正傳也住山十餘年禪林法制燦然一新乃礱石於宇下使其徒德珪來俾予書之是歲辛丑淳熙八年秋九月苾芻修信書

忠護侯廟記

元朱叔

唐舊史明皇西幸至咸陽遣宦者王洛卿前行置食召吏民莫有應者日向中帝猶未膳民有獻糲飯雜以麥豆帝皆優賞慰勞及考圖經僖宗西幸至白石

鎮有叟進醪醴上問其來曰居父子谷因賜金幣遂至其谷夫貴爲天子富有天下一日去國西幸則糲飯醪醴之獻適當饑渴皆錄其意而賜之賞可以示萬世鑑也父子谷今在梁泉之東北有廟存焉土人以爲州主歲時致祭宣和初郡人請於朝賜爵曰忠護蓋旌其草野不忘君而志於忠也夫山谷間不無隱君子如商山之老得以定儲想其知秦之將亡而避世者僖宗末年唐室微矣豈無隱君子於山谷哉黃屋所臨假醪醴以薦尊君親上之誠傳說相高宗曰若作酒醴爾惟鞠養信宗舉之於時扶顛持危豈有愧於傳獻鞠養之用耶叟也寓意於箴誠天不沒其實而祀以永存焉

枕流亭記

明周東

雨村夫於弘治辛酉十月作一楹於漢之城西八里許榜其亭曰枕流客有難之者曰流動物也涉將溺矣奚其枕雨村夫謂之曰嘻子以形視流哉夫物有形有韻以形而視物則物與我而皆礙故不可枕以韻而視物則我與物而皆空又惡不可枕哉故天吾得而枕其清地吾得而枕其厚日月吾得而枕其明雷霆吾得而枕其鼓舞雨露吾得而枕其霑濡潮汐吾得而枕其信金石吾得而枕其堅草木吾得而枕其文以至昆蟲鳥獸蟻蠅之屬吾得而枕其動息又烏止於流哉且夫琮琤琤琤乎巖壑而灑乎淪歟者水之形也滌乎胸抱而浣乎塵俗使夫得之者冷然而潔惕然而醒悠然而超乎富貴軒冕榮辱欣戚得喪之外者水之韻也故以形而視流則是流之功不過百里之內而止耳是不爲病夫是流哉以韻而

視是流吾將取之以潤乎一軀以潤乎一郡以潤乎一藩以潤乎天下以潤乎後世又惡往而不得於是流哉夫子曰逝者如斯夫孟子曰源泉混混不舍晝夜孺子之歎曰滄浪之水清兮可以濯我纓皆所以明乎枕之旨也客聞之避席遂巡曰甚哉雨村夫之善於枕也

修城記

前人

茲城不知創於何代相傳漢以來已有之考之志云宋嘉定十二年十一月己亥築明初府費震重修迄今百五十六年矣崩塌圯壞殆存其基址而已弘治十五年十一月庚子始令軍民分功修築民自東門轉北門抵西門止長共五里二分軍自西門轉南門抵東門止長共四里一分俱寬增一丈高增五尺東門磚甃二百三十丈北門磚甃三百七十丈東角樓磚甃五十丈北角樓磚甃四十丈有奇西門磚甃三十丈有奇南門磚甃七十丈有奇南角樓磚甃三十丈大小子牆磚甃一百三十丈俱有奇角樓更鋪更易翻修共五十六座越十六年癸亥二月而功成用過大磚共一百二十萬有奇灰六千石有奇大小椽木以萬計釘鐵麻索如山蓋千億萬之費也而費官銀止於六百七十五兩荷鋪如雲揮杵如雨肩相摩而聲相應蓋千萬億之工也而役不及於田夫由漢及唐經宋歷元數千年之基也而一新於三月之間始必有所以本之者矣孟子曰以佚道使民則民不怨經曰百堵皆興聲勢弗勝前後經營營度可其事者都御史陳清周季麟副使馬懋風夜公勸董其役者府同知李時衛掌印指揮王翺至若一磚一

灰一椽一木一夫一匠之所自出與夫籌始籌終而卒成之者則本府知府周東也

遊靈巖記

張良知

嘉靖辛丑余承佐天漢爰省志牒久懷靈巖名利冀一登眺歲乙巳暮春臘日部臨陽公僉縣尹白子桂州倅張子錦相與約遊明發天偶雨余衷弗憚以為覽勝無緣已而大霽遂放舟順流抵山麓登岸步履而升捫蘿攀磴行一里許斷崖中以古木斜支為徒扛乃手循巖巔拉吏側足而過又盤轉一逕躋大陂入珠林巨巖空邃瑤宮構其腹金闕畫廊宏敞顯豁果為奇絕南有一洞石梁中擊幽深巨測傳云路可通僊遙左巉巖削立膚曲中靈泉如乳髓點滴釋子即石間曲道引流適洞達佛像之下出焉疾者得飲之可愈故曰藥水巖昔人愛其峯之峻拔多留題於上爰扶吏剔藓認讀然時遠班剝半不可句白尹邀予少憩乃登臨碧殿之前時過午即不見日蓋山高西障此略陽之得名飯既復由藥水巖渡高礪抵羅漢洞洞之巔觀郝閣漢銘字畫奇古宋太守田克仁慮其漫滅摹刻於茲存古之雅不可泯也僧人又請遊前軒軒闢大江憑欄俯視波光澄練有若一線兩峰對峙翠色欲流水山相映蒼玉交輝乃知山靈有覺欲吐壯觀天之即雨即霽若或助其精爽矣余與二三子之遊信不偶也徘徊久之暮光倏合從人告旋仍沂躬而歸回首金岫雲封迷望不知處所矣司訓李光傑鄒騰雲咸謂不可無言予乃賦得古詩一章并叙此以紀一時之勝云

棧道圖考

王圻

蜀中古稱益州天府明興則四川轄也汧渭之墟本秦屬乃入蜀咽喉故益門鎮在焉記入蜀者當自寶雞始寶雞古陳倉縣也出縣南門度渭水十五里至鎮關尹喜故宅在焉又十里而登山則入棧道矣高坪插雲顏以陳寶重關即大散關也關下水北流入渭南流入漢堪與家謂為中龍過脈云此為虎豹晝夜伏道傍二十餘步則起獨樓維以檻扉即二三烟突聚落亦所木為城環避之又過偏橋路絕處插棧崖壁間偏山架木下臨白水江源始具棧也自寶雞至此覆屋咸以板真西戎俗矣又上鳳嶺上下五十里嶺南北水各入白水江是為三岔者一去鳳一去褒一去郿也郿道在叢山枯壑中眾謂孔明出斜谷即此三岔十里水自松林北流亦合白水抵陳倉口路險巖僅容單人西行二百里可徑達沔之百丈坡韓淮陰明修棧道陰度陳倉者是又三十里至松林十里上柴關五里至其巔復下十里為紫柏署前列雙峰左山深處有寺樹石蒼翠錯落棧中第一勝地也平砂如砥晴雨皆可人青山夾馳綠水中貫豐林前擁疊嶂後隨去來杳無其跡倘非孔道真隱居之適矣關上流北仍白水南入黑龍江水深處約二丈餘然皆巨石激湍湍張湯欲從此通漕於渭不知當時水石何似又行三十里而上七盤盤盡為鷄頭關一石如鷄冠起遍漢下俯江水出白石盆兩崖突兀為出棧最奇處鄭子真耕焉稱鄭谷

李公石堰碑

李時萃

洋治北瀘水為堰者三日瀘濱曰土門最下曰斜堰堰廣五十餘丈灌負郭田八百餘畝底岸流沙藉用

本格草石修築之每歲春工費甚鉅方灌既時暴雨彭湃木礫漂泊聯畝一夕龜裂倉卒茸補旋築旋崩殆無寧暑洋民比歲苦之矣我邑侯李公治洋之五年政成化洽百圯俱興諸陂渠如瀘濱之飛槽楊填之活堰業已成功爰及於斜堰捐俸金採石鳩匠畫示方略日往監課用大石橫河油灰灌隙分門闢板觀水之消長以時啓閉自底至脊高丈許上可通行若津梁然望之如長虹截流雖洪濤數興震蕩怒號終莫能壞其左為渠二百四十餘丈引水入阡陌堰成而水安行焉由是吾洋民知有斜堰之利而不復知有斜堰之苦矣是役也經始於萬曆己丑之五月告竣於是年八月會詔下徵公以十七日去洋士民號泣而送者數十里既去年餘而民思彌篤相率請於兵巡郭公公素加意撫綏者喜示曰賢令蒞任五載德政種種今立碑垂遠實出士民之誠遂允其請趣立之士庶躍然喜固請不佞為文立碑於西郊此郊皆本堰所灌田因更去斜字為李公堰嗚呼守令利民莫先農務惠而不費美政居一以公於吾洋勸農重本更僕未易數惟茲斜堰之役藉令驅吾民力用吾民財以成經久可繼之功其誰不樂從而公獨捐俸成之不自以為費今茲八百餘畝之民世世食其利公之惠我沃矣雖然此公注厝之小者耳公今以執法秉衡行且霖雨蒼赤光耀旂常當有不朽事業在寰宇者於茲爾一堰之碑何有公諱用中字舜智別號見虞汴雍丘人登萬曆癸未進士

重建楊填堰碑

張金程

洋之進西與城固接壤有河曰壻水導水灌田因裁

其流爲堰堰名曰楊填而洋與城之民咸共之總計所灌田一萬六千五百畝有奇先者居農以找梁橫暨於外荆棘網繆其中藉爲障水具每遇河伯揚濤率洶然澎湃而新畬禾田歸之一浪矣父老悵望咨嗟莫可誰何坐是國稅民生爲之兩病余邑宰張公目擊其艱即欲興役大創以爲事非一邑事而費非一邑費也併協謀於誠宰高公上其狀聞於郡守李公郡佐張公皆惻然動念亟贊曰可聞於分守蔡公分巡張公二公憫憫乎若饑渴之由己也亦曰可轉聞於直指于公公以修之各贊詳考覈之卒允其議命甫下洋以俞丞城以張幕董其事砥石於山鍛灰於爐而群材畢集焉經營纔月而畚插告完敞其門爲五洞傍其岸爲二隄水漲則用木閘以阻泛溢水消則去木閘以通安流凡築砌防範無不堅以固周以密也緬視向之枯木朽株煥乎一新矣余因是爲之言曰洋城之民無異業惟此水田爲常產第水利每歲動稱不足者蓋由上之人積習因循以致堰之敗壞使然誰有倡率綜理如今日之舉乎即如今日之舉藉令財不裕未善工不省未善利不百亦未善且也所轉移者賑貸之穀也所度支者三百之需也所沾濡者萬命之縣也一舉而三利附孰謂此堰之修非一勞而末逸者哉又有說焉非常之功非常之人建之此堰之修不知幾更而處置得宜卒未前聞邇者建議啓工洋之張公城之高公而誘掖計畫力爲主張者則郡守李公郡佐張公軫恤阡陌區爲指示者則分守蔡公分巡張公至於專委任嚴科條者直指之力居多焉厥功之成豈偶然哉於此益信創

之者固難而守之者亦不易也何者天下事以衆人成之常不足以一人敗之恆有餘千丈之堤潰於蟻穴矧此堰乎倘後之人因其基而時爲補葺之則歌帝力者將世世不休而數君子締造之恩波庶幾於此河俱長矣不然任其頽敝而莫恤則又非今日意也是役也論田則洋之田多城之田少論費則洋之費七城之費三因併記之以爲鑒焉余躬觀盛事愧不能文兩邑父老固懇以垂不朽道其事如右因以口爲碑于公諱永清山東青城人蔡公諱應科福建龍溪人張公諱大徵山西蒲州人李公諱有實山東黃縣人張公諱書紳直隸柏鄉人

鋪堡論

關廷訪

西之幅輳以東西則二百有餘里以南北則六百餘里假令烟火而相連也鳴吠而相聞也其廣可勝道乎然而以孔道論惟東之白河西之桑園二鋪每數十家可稱村鎮其餘若三郎古溪等鋪堡居民僅二三家多者亦不過五六家耳夫舉一孔道而僻陬可知舉一平壤而山蹊可知則何怪守望寥落而保甲之難行耶守土者誠加意休養寧寬繩疎網留不盡於閭閻勿焚山竭澤切有限之膏脂邑即巖也不思寡與貧矣

西鄉茶論

何景明

漢中之茶產於西鄉故謂盡茶地余問之不然西鄉茶地惟三里耳三里去縣又四百里經於豺虎寇盜之窟比以加賦其民晝夜治茶不休男廢耕女廢織而莫之能辦也於是乎有通戶焉

輿地志論

劉芳名

西鄉境雖闊而跟踈者什之九如諸險隘不但守土者不能褰帷臨之而幽陰沙霧幾於障天羆豺虎豹不時闌出亦何貴於四遐哉且也梟姦往往匿跡逞暴如昔日蜀盜之鄧藍通寇之何勉近而陝回之高尚還鳳酋之俞士乾盤踞幽歿雖卒就底定而蒼赤荼毒者白骨與山爭高矣可爲之太息也

欽定古今圖書集成方輿彙編職方典

第五百三十五卷目錄

漢中府部藝文二

玩漢水

梁簡文帝

飛僊閣

唐杜甫

五盤

前人

龍門閣

前人

石櫃閣

前人

武侯祠

前人

八陣圖

前人

武侯廟

前人

駱谷行

岑參

與鮮于庶子自褒城同行作

前人

未安超禪師房

前人

石白嶺

歐陽詹

漢江

杜牧

西歸出斜谷

雍陶

武侯廟

元稹

褒城驛

前人

過駱谷

白居易

黃花驛

薛逢

送人赴任襄中

羅隱

禮泉院

後唐和凝

洋川

宋韓偓

崇法院

韓縝

東山寺

前人

遊賈氏南園

前人

遊靈巖

鮮于侁

望雲樓

前人

瀟泉亭

前人

無言亭

前人

禊亭

前人

野人廬

前人

茶藤洞

前人

南園

前人

北園

前人

冰池

前人

書軒

前人

披錦亭

前人

橫湖

前人

湖橋

前人

待月臺

前人

吏隱亭

前人

霜筠亭

前人

露香亭

前人

涵虛亭

前人

過溪亭

前人

菡萏亭

前人

此君庵

前人

金橙徑

前人

竹塢

前人

荻浦

前人

蓼嶼

前人

寒蘆港

前人

天漢臺

前人

溪光亭

前人

賃營谷

前人

庚子八月八日再遊東山寺

前人

贈牛頭寺明上人

蘇軾

冰池

前人

書軒

前人

披錦亭

前人

橫湖

前人

湖橋

前人

望雲樓

前人

待月臺

前人

二樂樹

前人

瀟泉亭

前人

吏隱亭

前人

霜筠亭

前人

無言亭

前人

露香亭

前人

涵虛亭

前人

過溪亭

前人

禊亭

前人

菡萏亭

前人

野人廬

前人

此君庵

前人

金橙徑

前人

茶藤洞

前人

南園

前人

北園	前人	竹塢	前人	蓼嶼	前人	荻浦	前人	寒蘆港	前人	天漢臺	前人	溪光亭	前人	貧簪谷	前人	冰池	蘇轍	寶軒	前人	披錦亭	前人	橫湖	前人	湖橋	前人	望雲樓	前人	待月臺	前人	二樂樹	前人	漁泉亭	前人	吏隱亭	前人	霜筠亭	前人	無言亭	前人	露香亭	前人	涵虛亭	前人	過溪亭	前人	禊亭	前人	蘭苕亭	前人	野人廬	前人	此君庵	前人
----	----	----	----	----	----	----	----	-----	----	-----	----	-----	----	-----	----	----	----	----	----	-----	----	----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----

金橙徑	前人	茶藤洞	前人	南園	前人	北園	前人	竹塢	前人	荻浦	前人	蓼嶼	前人	寒蘆港	前人	天漢臺	前人	溪光亭	前人	貧簪谷	前人	玉峯園經春不得一過因成詩呈同官約遊	文同	新晴望北山	前人	自斜谷第一堰泝舟上觀石門兩岸奇峯最爲佳絕	前人	天寧溪濯足	前人	郡齋閒味六言詩二十四首	前人	獨坐	湖上	湖橋	推琴	靜觀	亭館	流水	報國	聞道
-----	----	-----	----	----	----	----	----	----	----	----	----	----	----	-----	----	-----	----	-----	----	-----	----	-------------------	----	-------	----	----------------------	----	-------	----	-------------	----	----	----	----	----	----	----	----	----	----

相如	彭澤	凭几	衰後	驚鷺	又	蓮子	採蓮	翡翠	朱槿	偶書	閒書	又	青鶴	北岸	初入棧道	子午谷	五雲宮	黃金峽	五雲樓	龍亭侯墓	過子午鎮	金洋堰	鄧都山	子午谷	過環珠水神廟	入洋縣道中	明許纘	王雲鳳	石無用	王任	馮綬	徐乾健	楊美益	何悌	張鍊	楊一清	文岡	前人
----	----	----	----	----	---	----	----	----	----	----	----	---	----	----	------	-----	-----	-----	-----	------	------	-----	-----	-----	--------	-------	-----	-----	-----	----	----	-----	-----	----	----	-----	----	----

職方典第五百三十五卷

漢中府部藝文二詩

玩漢水

梁簡文帝

離色崑崙木泓澄龍首渠豈若茲川麗清流疾且徐

離離細一作碩淨萬樹陰疎石衣隨澗卷水芝扶

浪舒連翩瀉去機鏡澈倒遙處卿持點纓上於是察

淵魚

飛僊閣

唐杜甫

土門山行窄微徑緣秋毫棧雲闌干峻梯石結搆半

萬壑欹疎林積陰帶奔濤寒日外淡泊長風中怒號

歇鞍在地底始覺所歷高去來雜坐臥人馬同疲勞

浮生有定分饑飽豈可逃歎息謂妻子我何隨汝曹

五盤

前人

五盤雖云險山色佳有餘仰凌棧道細俯映江流疎

地僻無網苦水清反多魚好鳥不妄飛野人半巢居

喜見淳朴俗坦然心神舒東郊尚格閭巨猾何時除

故鄉有弟妹流落隨江墟成都萬事好豈若歸吾廬

龍門閣

前人

清江下龍門絕壁無尺土長風駕高浪浩浩自太古

途危中繁聲仰望垂綫縷滑石敲誰擊浮梁曩相拄

目眩限雜花頭風吹過雨百年不敢料一墜那得取

飽閒經壘塘足見度大庾終身歷艱險恐懼從此數

石櫃閣

前人

季冬日已長山晚半天赤蜀道多早花江間遶奇石

石櫃層波上臨虛蕩高壁清輝迴羣鷗眼色帶遠客

羈栖負幽意感嘆向絕跡信甘屏儒要不得凍餒迫

優游謝康樂放浪陶彭澤吾衰未自由謝爾性有適

武侯祠

前人

諸葛大名垂宇宙宗臣遺像肅清高三分割據紆籌

策萬里雲霄一羽毛伯仲之間見伊呂指揮若定失

蕭曹運移漢祚終難復志決身殲軍務勞

八陣圖

前人

功蓋三分國名成八陣圖江流石不轉遺恨失吞吳

武侯廟

前人

遺廟丹青落空山草木長猶聞辭後主不復臥南陽

駱谷行

岑參

聞君行路難惆悵臨長衢豈不憚艱險王程刺相拘

憶昨蓬萊宮新授刺史符明主仍賜衣價直千金餘

何幸承命日得與夫子俱攜手出華省連轡赴長途

五馬當路嘶按節投蜀都千崖信繁折一徑何盤紆

層冰滑征輪密竹礙隼旗深林迷昏旦棧道凌虛虛

飛雪縮馬毛烈風壁我膚峯攢望天小亭午見日初

夜宿月近人朝行雲滿車泉澆石罅圻火入松心枯

亞尹同心者風流賢大夫榮祿上及親之官隨板輿

高價振臺閣清詞出應徐成都春酒香且用俸錢沽

浮名何足道海上堪乘桴

與鮮于庶子自襄城同行作

前人

剡竹向西蜀岷峨渺天涯空深北關戀豈憚南路賒

前日登七盤噴然見三巴漢水出嶠嶮梁山控褒斜

棧道籠迅湍行人貫層崖巖傾劣通馬石窄難容車

深林怯魑魅洞穴防龍蛇水種新插秧山田正燒畬

夜猿嘯山雨曙鳥鳴江花過午方始飯經時旋及瓜

數公各遊宦千里皆辭家言笑忘羈旅還如在京華

永安趙禪師房

前人

滿樹枇杷冬著花老僧相見具袈裟漢王城北雪初

霽韓信壇西日欲斜門外不須催五馬林中且聽演

三車豈料巴川多勝事為君道此報京華

石臼嶺

歐陽詹

鳥合蛇盤地半天下窺千仞到浮烟因高回望落思

處認得梁州落日邊

漢江

杜牧

洛洛漢江白鷗飛綠盡春深好染衣南去北來人自

老夕陽長送釣船歸

西歸出斜谷

雍陶

行過險棧出褒斜出盡平川似到家無限客愁今日

微馬頭初見米囊花

武侯廟

元稹

撥亂扶危主慙慙受托孤英才過管樂妙策勝孫吳

凜凜出師表堂堂八陣圖如公全盛德應歎古今無

褒城驛

前人

嚴秦修此驛水漲驛前池已種萬竿竹又栽千樹梨

四年三月半新蜀晚花時悵望東山去等閒題作詩

過駱谷

白居易

今年到時夏雲白去年來時秋樹紅兩度見山心有

愧皆因王事到山中

黃花驛

薛逢

孤戍迢迢蜀路長鳥鳴山館客思鄉更看絕頂煙霞

外村樹巖花照夕陽

送人赴任褒中

羅隱

萬轉江山過蜀國兩行珠翠見褒人海棠花謝東風

老應念東都共苦辛

醴泉院

後唐和凝

萬山嵐靄簇洋城數處禪齋儘有名古柏八株惟翠
色靈泉一派逗寒聲暫遊頗愛聞滋味久住翻嫌俗
性情珍重支公每相勉我於儒行也修行

洋川

宋韓偓

梁州鄰左古洋川氣候融融別是天地僻過冬稀見
雁鶩深初夏已聞蟬鄉風與蜀微相似驛路兼秦舊
接連略谷轉山圍境內漢江奔浪遠城邊展開步障
繁花地畫出棋枰早稻田遠寺徑危攢進菊後園池
冷漱飛泉秋深滿院芭蕉雨晚色臨軒蒨荔煙南浦
揭蒲當窠刈西溪踏石向喧妍夕陽道觀鳴鐘鼓夜
月人家奏管絃楊柳影中沽酒市菱荷香裏釣魚船
珍禽聽久聲難辨新果嘗餘味更全野渡潮平分淺
瀨郡樓雲散露高巔喧闐鼓吹迎神社狼藉杯盤送
客筵慈竹清筠霜闕賦海棠堆艷火爭然蒼崖峻峻
應藏虎碧洞陰深恐隱僊妓女從遊持翠蓋士流尋
勝壁香殘威姬廟宇青蕪沒和相詩碑綠苔三縣
俗淳宜靜理兩衙事簡可閒眠紛華歲歲他鄉外幽
趣終朝在眼前不爲近頌明詔下及瓜情願滿三年

崇法院

韓絨

久聞雲際山中有古招提新秋喜遠覽銳意窮攀躋
出郭值微雨涼風曉暮陵陀越大嶺沙路香無泥
野沃稻田秀未邦沿溝畦登岸復入谷漸過西山西
舉首望華屋雙岸鬱相攜虛橋駕烟靄峻閣排虹霓
下馬踏危級褰裳陟修梯超然層閣外仰視穹蒼低
俯眺亦何有森森喬木齊喧囂從吏語嘶嘶驚禽啼
既飯復搜討林間得幽蹊嚴阿訪靈跡大士常高棲

古殿蝕苔蘚丹青暗塵壁俯身踐危蹬側足緣深溪
老樹陰潭黑風條亂蟬嘶懸泉洗陰壁瑩瑩如玻璃
佳觀誠可戀遲留思顛擠攜羅出天險始免魂神睽
緩步凌巖嶠雙旌隨杖藜回瞻花雨地已被煙雲迷
頓轡下平陸晴川畱馬跡新篁映碧宇寺臨長堤
乘倦駐歸策策荒園步柔荑婆娑兩高樹磊落垂紅梨
汲井漱甘液拂塵觀舊題出門尚斜日隱隱聞城聲
勝槩亦陳迹茫然失端倪爲詩記髣髴社友無詞詆

東山寺

前人

久有東林約因乘暇日遊眼明初出谷神狂欲凌秋
野曠鷺孤隼江清鷗遠鷗近山青障合多綠綠雲浮
鷄犬村相接溝塍水亂流度橋喧從騎環樹獨鳴騶
問俗經堯壤尋僧到沃州深沉開寶閣磅礪樵華輞
像設嚴珠殿經聲隱絳幃仰看香刹直徐步畫廊修
遇物皆周覽逢軒即少畱前庭初顯豁後徑轉深幽
野嶺青筠散霜楓赤葉稠隔牆聞好鳥循沼翫遊鯈
翠幹瘦初剝紅芒稻半收凌虛發陸道匪境對層樓
暗谷藏危棧平沙際別州川原同聚沫身世劇浮漚
回首飄鄉思臨樽流客愁清閒養善奕決勝在冥搜
影轉穠真表風生曲逆籌歸鞍不敢緩斜日照文楸

遊賈氏南園

前人

江堤楊柳碧純純訪問名園郡郭南瓏麥生齊知雨
足海棠開遍覺春酣門前幽徑通芳蕙竹裏虛亭對
遠風風物有情應笑我不攜歌酒只清談

遊靈巖

鮮于侁

千峯環郡宇二水遶城堞每憐山水佳况復開嚴穴
川流數里近放棹攀巖嶠靈巖巖神化環陰數畝闊

何人營佛祠棟宇殆天設前軒瞰谿山眺聽心耳豁
徑穿巨水下碧玉簪高節涓流瀉石磨玉乳甘且潔
其東乃小巖洞戶敞深微徹巖見石柱任重立精鐵
昔人遇真僊相攜觀金闕川平聽鷄犬始覺人世別
屈曲沿清谿桃花正開發塵緣念鄉歸思若眩涉
寤寐驕息聞巖扉已嚴鑄時還等陵谷事勝存圖牒
獨有滄江流青霅見明月予來秋之季氣氣頗凄切
草木自變衰山花常發活清潭沃質適異景差勝絕
薄暮上歸艫依然望林樾

望雲樓

前人

雲山日在眼飛觀復看雲願以崇朝雨飄揚靜世氛

灋泉亭

前人

泉聲如琮琤泉水深浩渺可愛主人心亭中狎鷗鳥

無言亭

前人

物來言有應事去言自忘儻然一榻上聊可傲羲皇

觀亭

前人

流水灣還來羽觴酬酢競應有蘭亭篇邦人起歌詠

野人廬

前人

深深惟使君草草學田舍持此歸與心隨時自瀟灑

茶麻洞

前人

天香分外清玉色無奈白誰向瑤池遊依稀太真色
南園
城上望南園園深知幾許啼鳥聞聞開遊人不知處
北園
朝陽動湖水春色入名園邑人千萬戶日日望朱旂
冰池
東西橫塘裏積疊崑崙玉潛鱗知幾何還待春風觸

書軒

前人

朱門謝俗客幽齋叙友人澄瀾鑑止水高節看叢筠

披錦亭

前人

春歸闔風家功入大匠手能將五色雲點綴當戶牖

橫湖

前人

三冬修竹色六月芙蕖風軒窗復啓處盡入菱花中

湖橋

前人

千峯起華陽一水連天漢初月正沉鉤隱然飛兩岸

待月臺

前人

臺高上霄漢人遠接鸞紛秋中夜靜萬里無纖雲

吏隱亭

前人

心休忘物我道勝一軒靜隱几度朝晡可嗟人畏影

霜筠亭

前人

亭小竹更密林幽人不知能教三伏景變作九秋時

露香亭

前人

葉上花露沾軒前紅日長遊風復誰爲時送席間香

涵虛亭

前人

危欄試睡聽空翠如何把悄悄愛世心臨風一傾寫

過溪亭

前人

溪橋入庭下杖履可忘憂誰識釣魚翁有時拋直鉤

菡萏亭

前人

夏綠分照水秋香仍滿池吳宮誰教戰一盡妖姬

此君庵

前人

結庵已忘情植竹更端操迢迢月上牀習靜誰能造

金橙徑

前人

遠分穠下美移植使君闔何人爲修貢佳味上雕盤

竹塢

前人

幽蹊入疎篁翠色連遠塢清夜天風來不隔鸞鳳語

扶浦

前人

凝霜壓寒蘆白月鋪淨練誰起落梅聲愁人淚如霰

蓼嶼

前人

盈枝紅欲滴照水色更好登臨正感秋何用催秋老

寒蘆港

前人

葦段何紛披湖水還詰曲誰言江渚間亦有雙鷺宿

天漢臺

前人

臺外遠佳山臺中垂暇日觀觀絳守居徒勞誇紹述

溪光亭

前人

湖源深可醺溪水清能照坐見落花來不知春色老

簣簣谷

前人

聊暉藍田山山下多綠玉安得結茅茨林間許容足

庚子八月八日再遊東山寺

前人

蜀師當日成黃金此地由來險阻深漢水東流自紆

直泰山北望正嶽釜涼風蕭物初秋意膏澤愆期但

畫陰同是天涯未歸客荒烟斜日正登臨

贈牛頭寺明上人

蘇軾

一轉金剛一炷香雪眉霜鬢任蒼蒼去傳熊耳西來

印歸真牛頭舊住房風靜水聲喧竹塢夜深雲氣濕

龍林迷途盡欲師開悟何事年來厭玉堂

冰池

前人

不嫌冰雪遶池看誰似詩人巧耐寒記取義之洗硯

處碧琉璃下黑蛟蟠

書軒

前人

雨昏石硯寒雲色風動牙籤亂葉聲庭下已生書帶

草使君疑是鄭康成

披錦亭

前人

煙紅霞綠曉風香燕舞鶯啼春日長誰道使君貧且

老繡屏錦幃咽笙簧

橫湖

前人

貪看翠蓋擁紅粧不覺湖邊一夜霜卷却天機雲錦

投從教匹練瀉秋光

湖橋

前人

朱欄書柱照湖明白葛烏紗曳履行橋下龜魚晚無

數識君拄杖過橋聲

望雲樓

前人

陰晴朝暮幾回新已向虛空寄此身出本無心歸亦

好白雲還似望雲人

待月臺

前人

月與高人本有期掛簷低戶映蛾眉只從昨夜十分

滿漸覺冰輪出海遲

二樂樹

前人

此間真趣豈容談二樂并君已是三仁智更須詞妄

見坐令魯叟作瞿曇

灤泉亭

前人

聞道池亭勝雨川應須爛醉答雲煙勸君多揀長腰

米消破亭中萬斛泉

吏隱亭

前人

縱橫憂患滿人間頗怪先生日日閒昨夜春風眠北

牖朝來爽氣在西山

霜筠亭

前人

解箨新篁不自持嬋娟已有歲寒姿要看凜凜霜前

意須待秋深粉落時

無言亭

前人

慇懃猶首維摩詰敢問如何是法門彈指未終千偈
了向人還道本無言

露香亭

前人

亭下佳人錦繡衣滿身縵絡綴明瓊晚香消歇無尋
處花已飄零露已晞

涵虛亭

前人

水軒花榭兩爭妍秋日春風各自偏惟有此亭無一
物坐觀萬景得天全

過溪亭

前人

身輕步履去忘歸四柱亭前野芍微忽悟過溪還一
笑水禽驚落翠毛衣

禊亭

前人

曲池流水細鱗鱗高會傳觴似洛濱紅粉翠娥應不
羨畫船來往不須人

菡萏亭

前人

日日移牀趁下風清香不盡思何窮若爲化作龜千
歲巢向田田萬葉中

野人廬

前人

少年辛苦事犁鋤剛厭青山邊故居老覺華堂無意
味却須時到野人廬

此君庵

前人

寄語庵前抱節君與君到處合相親寫真雖是文夫
子我亦眞堂作記人

金橙徑

前人

金橙縱復里人知不得鱸魚價自低須是松江煙雨
裏小船燒薺搖香臺

茶靡洞

前人

長憶故山寒食夜野茶靡發暗香來分無素手簪羅
髻且折霜蕤浸玉醅

南園

前人

不種天桃與綠楊使君應欲勸農桑春畦雨過羅紉
膩夏畦風來餅餌香

北園

前人

漢水巴山樂有餘一麾從此首歸途北園草木憑君
問許我他年作主無

竹塢

前人

晚節先生道轉孤歲寒惟有竹相娛麤才杜牧眞堪
笑喚作軍中十萬夫

寒嶼

前人

秋歸南浦蟬蛩鳴雪落橫湖沙水清臥雨幽花無限
思抱葉寒蝶不勝情

荻浦

前人

雨折霜乾不耐秋白花黃葉使人愁月明小艇湖邊
宿便是江南鷗鷺洲

寒蘆港

前人

溶溶晴港漾春暉蘆笋生時柳絮飛還有江南風物
否桃花流水水精魚肥

天漢臺

前人

漢水東流舊見經銀河左界上通靈此臺試向天文
覓閣道中間第幾星

溪光亭

前人

決去湖波尚有情却隨初日動簷櫺溪光自古無人
畫憑仗新詩與寫成

簞簞谷

前人

漢川修竹賤如蓬斤斧何曾教簞龍料得清貧饒太
守渭濱千畝在胷中

冰池

蘇轍

水深冰亦厚泥蕩鋪寒玉好在冰中魚何愁池上鷺

書軒

前人

綠竹覆新渠塵心日日疎使君遺癖在苦要校文書

披錦亭

前人

春晚百花齊綿綿巧如織細雨洗還明清風卷無迹

橫湖

前人

湖裏種荷花湖邊垂楊柳何處度橋人問是人間否

望雲樓

前人

雲生如湧泉雲散如翻水百憂亦凭欄悠悠定誰使

待月臺

前人

夜色何蒼蒼月明晨未上不上倚城臺無奈東西嶂

二樂榭

前人

動靜惟所遇仁智亦偶然誰令二物外猶有天地全

澧泉亭

前人

泉來草木滋泉去池塘滿委曲對庭除清冷備晨盥
吏隱亭
隱居亦非難欲少求意遂有意未成歸聊就茅簷試
霜筠亭
林高日氣薄竹色淨如洗寂歷斷人聲時有鳴琴起
無言亭
處世欲無言事至或末可惟有此亭空燕坐聊復我

露香亭

前人

重露覆千花，驚香疑睡圃。不忍日將歸，散逐微風去。

涵虛亭

前人

虛亭面疎簾，窈窕衆景聚。更與坐中人行，尋往來處。

過溪亭

前人

溪淺復過橋，過者猶恨嬾。嬾看沙上鷗，常爲獨遊伴。

禊亭

前人

觴流無定處，客醉醒還酌。母令仲御歌，空使人驚愕。

菡萏亭

前人

開花濁水中，抱性一何潔。朱檻月明時，清香爲誰發。

野人廬

前人

野人三四家，桑麻足生意。試與扣柴荆，言詞有餘味。

此君庵

前人

風梢逸簷合，霜幹當窓靜。遙知素壁上，醉墨森相映。

金橙徑

前人

葉如石楠堅，實比霜柑大。穿徑得新果，令人憶鱸膾。

茶蔭洞

前人

荷倚翠蔓長，藹藹繁香足。綺席墮殘英，芳樽清餘馥。

南園

前人

官是勸農官，種桑亦其所。安得陌上人，隔葉攀條語。

北園

前人

使君美且仁，遍地種桃李。不獨茂春花，行看食秋子。

竹塢

前人

空坡放修竹，蕭蕭復冥冥。莫除塢竹笋，從使入園生。

秋浦

前人

離披霜露下，蕭索微風觸。摧折有餘清，縱橫未須束。

蓼嶼

前人

風高蓮欲衰，露重蓼初發。會使此池中，秋芳未曾歇。

寒蘆港

前人

蘆深可藏人，下有扁舟泊。正似洞庭風，日暮孤帆落。

天漢臺

前人

臺高天漢近，正練掛林端。秋深霜露重，誰見落西山。

溪光亭

前人

溪亭新雨餘，秋色月光漢。鳥度夕陽中，魚行白石上。

簣簣谷

前人

誰言使君貧，已用谷量竹。盈谷萬萬竿，何曾一竿曲。

玉峯園經春不得一過，因成詩呈同官約遊

文同

春來少嬉遊，俗事日相耗。南園只城外，累月不一到。

新晴望北山

前人

花香雨後歇，樹色風中老。惟有巖下泉，猶能滌幽抱。

西風吹北山，曉日曬新雨。嵐光滄巖岫，草木紛可數。

翠壁倚萬丈，白雲橫一縷。待訪餐霞人，斯遊欲誰與。

自斜谷第一堰，泝舟上觀石門兩岸奇峰，最爲佳絕。

前人

北風吹雲落，寒水逆波刺。船行五里層巒夾，空抱叢石萬劍側。

奇詭安得鶴冠數稜，田便可誅茅此居止。

天寧溪濯足

前人

暑氣沉晚樹，晴光滿遙川。下馬古道側，濯足清溪邊。

勝事樂水石，幽懷托雲烟。還來振衣起，回首徒悵然。

郡齋閒味六言詩二十四首

前人

獨坐

不報門前客，至已收案上。文書獨坐水邊林，下宛如

故里閒居

湖上

湖上雙禽泛，泛橋邊細柳垂。垂日午亭中，無事使君來此吟詩。

湖橋

湖橋北，頰花塢水闊。西頭竹村，露霏薄，霧紅暖。漠漠輕烟翠昏。

推琴

點點新萍貼水，濛濛柳絮繁風。盡日推琴默坐，有人池上亭中。

靜觀

十許文魚戲水，一雙花鴨眠沙。靜觀只恐驚去，無語凭欄日斜。

亭館

亭館脩脩度日，園林寂寂經風。且邁新笋留客，莫掃殘花惱翁。

流水

四首秦僧絕論一篇楚客離騷，讀罷却彈流水先生此興尤高。

報國

報國無忘竭節，居官勿用論功。莫問嗔嗔趨樂不須咄咄書空。

問道

問道幸非曲士，讀書甘作陳人。爲文自怪逆俗，好書誰知入神。

相如

相如何必稱病，靖節吳須去官。就下其誰不許，如思

是處皆安

彭澤

彭澤先生未去武陵太守常貧上官幸且容已下鬼
休來笑人

凭几

列傳日逢佳士羣書時得微言自對古人凭几不須
俗客登門

衰後

衰後常服藥餌憂來頓憶林泉身坐謝莊小閣心遊
沈約東田

鷺鷥

避雨竹間點點迎風柳下翩翩靜依寒蓼如畫獨立
晴沙可憐

又

頭若瓊鉤淺曲散如碧管深翹湖上水禽無數其誰
似爾清標

蓮子

綠實填房未滿黃茸邊殼方開爲問因誰勸酒一時
齊側傳盃

採蓮

岸幘客來橋上澁裙人在湖中桂楫蘭橈甚處蓮花
荷葉無窮

翡翠

見諸長喙須避得少纖鱗便飛爲報休來近岸有人
愛汝毛衣

朱槿

含露方矜香鼻搖風旋見離披湖上先生笑汝朝開

暮落何爲

偶書

續去食苗莫問鳥來攫肉休知物須以信相感事忌
於心有爲

開書

看書亭中默坐味詩岸上微行自謂偷閒太守人稱
竊祿先生

又

遂去堪羞子溥歸來可重淵明試問七松處士何如
五柳先生

青鵲

常惡靜時驚驚不驚飽處魚蝦與吾閒正相似問爾
樂復何如

北岸

曲榭紅蕖影上圓庵綠篠陰中門外何人會畫故來
寫作屏風

初入棧道

梁漢起天中形連百二雄萬山爭地立一路與雲通
樹杪過人影崖頭嘯虎風我行三月暮悵望華陰東

子午谷

馬前銅笛數聲頻柳底行來漢水濱且喜晚炊來子
午會經春雨憶庚申採茶路曲穿林女放瀨聲高蕩

五雲宮

今夜誰家是宿處五雲宮裏最清幽羽衣松底聲三
弄荷葉池中月一鉤苔觀落花疎點翠風吹林竹亂

石無用

吟秋更關對燭心如洗一卷南華說到頭

黃金峽

王任

九十餘里黃金峽二十四處白雲灘雷向江中驅亂
石水從天上倒狂瀾鐵崖凝日千山險玉井生風六
月寒信宿龍潭幸蚤出片帆回首抵長安

五雲樓

馮綬

百尺高樓倚檻看此身疑在五雲端北瞻魏闕星辰
近西望巴山道路難化到文王江漢上興來學士笑
談間江湖廊廟原非二愧我民窮久索餐

龍亭侯墓

徐乾健

策馬龍亭日欲驢江頭遙見蔡侯墳漢封遺跡空憐
在青史香標世共聞漫拂魚腥銘舊德不煩竹簡謝
夫君頻過多少千秋意感慨依依佇斷雲

過子午鎮

楊美益

長安此去萬雲橫子午仍存古路名蜀將提兵疑谷
險唐宮獻荔度山輕英雄不信無奇策艷色何知有
怨聲空把是非悲往蹟亂峯回首自崢嶸

金洋堰

何悌

爲愛洪流足溉田十旬兩度此登旋日催嵐色開圖
畫風領泉聲奏管絃墨載貞珉追往事祠臨高渚報
先賢三農何幸當平世蒸粒常歌大有年

鄆都山

張鍊

峨眉山從西極來龍蟠虎伏何崔嵬東下斗山落平
掌山腰樓觀黃金開山君舊是鄆都神千年常住棲
霞臺臺下芝田臺上樹日色曛曛含赤霧仙臺羽衣
亦婀娜寶蓋朱旛競馳驅驚煙結蓋似神臨法鼓鳴
雷豈神怒古柏四時風雨聲長松萬丈鶴鶴鳴雷侯
住處夕陽斂壺叟吟邊青草生鹿林豹窟尋仙跡洞

島巖花癡客情客情仙跡兩悠悠目極澄江無盡頭
石徑迂迴下平地道士還山靈雨收回看來處桃花
暗惟聽流泉萬壑幽

子午谷

楊一清

躡蹬穿蘿路轉遙夜深燈火政蕭蕭官程又出子午
谷鄉夢還憶丁卯橋秦嶺天低星斗近漢江風暖瘴
嵐消馳驅敢作賢勞嘆愧乏涓埃答聖朝

過環珠水神廟

文岡

路轉黃金峽江流碧玉環舟迴九十里人避百重灣
峯屋如仙閣人家近闔山欲尋羽客話雲鎖洞門閒

入洋縣道中

前人

玉冊遙瞻太白嶺赤書近渡小龍溪偶舒望眼便開
豁况覺征輶離險躋沃野平千里去金城歷歷四
山齊閒情更美村居美春綠池塘水滿堤